



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

MONUMENTUS ABERTUS: ABERTAS IS ISCRITZIONIS PO IS BÌSITAS

Nuraxi Diana, ex Cunventu de is Paras de Santu Frantziscu, Villa Romana, Cresiedda de Santu Beneditu, caminus naturalisticus de Molentàrgius. Est custu su chi s'offerit po Monumentus Abertus 2021, improntau po sàbudu 20 e domìnicu 21 in Quartu Sant'Aleni.

Sa manifestada de sèmpiri, chi baloritzat sa sienda culturali de is logus de s'isula, torrat ocannu puru in tzitadi ma in presèntzia, gràtzias a s'impìnniu de s'aministratzioni tzitadina e de s'assòtziu Imago Mundi, a incuru de s'eventu, cun sa partecipatzioni profetosa de gai 300 bolontàrius, intre scientis de is scolas e assòtzius chi ant a animai is situs scioberaus cun nobas, bìsitas ghiadas e eventus acapiaus a sa mùsica e fainas culturalis.

Totus is situs ant a essi bisitàbilis assentendusiri po mèdiu de su link chi sighit:
<https://prenotazioni.monumentiaperti.com/monumenti/quartu/>

Fait a prenotai fintzas da sa pàgina de dònna comunu in su giassu monumentiaperti.com po mèdiu de su butoni ASSENTADIRI IMOI, chi torrat a sa scheda de su giassu de assentadura. **Fait, incora, a si presentai in deretura a s'intrada de is situs in is diis de is Monumentus abertus, po castiai impari a is responsàbilis, sa disponibilidadi de intrai in is listas de is bisitadoris.**

Duncas si partit da su Nuraxi Diana, in Logu de Is Mortòrius, monumentu postu de pagu in sa filera de situs archeològicus de sa Sardìnnia, elìgiu aintru de sa candidatura promòvia anca est s'Unesco cumenti a sienda de s'umanidadi. S'àrea, ocupada in s'interis de sa segundu ghera mondiali da impiantus bèllicus e logìsticus, oi est a s'atenzioni de unu pranu de importu de calificatzioni torra e relànciu. A arriciri is bisitadoris, anca est su monumentu, ant a essi is archeòlogus de sa Sporentendèntzia de Casteddu impari a is scientis de is de cuàturu e cincu annus de s'Istituto Tènicu-Comerciali Primo Levi, iscritus a s'indiritzu Turìsticu, chi ant a assegurai is bìsitas ghiadas in prus lènguas: inglesu, tedescu e spanniolu.

Bìsita assegurada fintzas anca est sa Villa Romana, in sa costera de Flùmini-Sant'Andria, una de is pagus testimonias de s'edadi imperiali in sa costera de Sardìnnia, presenti in su territòriu cuartesu: a amostai is caratarìsticas de su monumentu etotu ant a essi is bolontàrius de sa Pro Loco, chi ant addiriu a sa manifestada e chi de sèmpiri funt impinniaus in sa promotzioni de sa tipicidadadi locali, bia a manera promotzionali e turìstica.

Aberrit a su pùblicu fintzas s'Ex Chiostru de is Paras de Santu Frantziscu, in bia Brigata Sassari, oi calificau torra e destinau a seu museali e seu istitutzionali de su Sìndigu. Ant a essi is picciocus de s'Istitutu n. 1 Porcu-Satta a assegurai su turnu de is bìsitas in is duus giorronadas de Monumentus Abertus cuartesus. Is picciocus ant a traballai po su cuncertu de abertura chi s'at a tenni me in su Chiostru, cun unu ensemble fatu de flàutu traessu, ghitarra, pianoforti e percussionis.

Fintzas is giòvunus, chi acollint is cuartesus me in is monumentus: is scientis de s'Istitutu Comprensivu n. 6 "Bellavista", ant a amostai su caminu fotogràficu a incuru de s'assòtziu "Fèminas" postu aforas de sa Cresiedda de su 300 de Santu Beneditu, in bia Marconi fronti tzìvicu 353.

A s'acabu nci funt is caminus naturalisticus de su **Parcu Molentàrgius**: cuddus propositus ant a essi 3 e ant a incarrerai de bia Don Giordi àrea birdi de su Parcu gate 38. Elencau innoi etotu:

- *Escursioni apei conca a Bellarosa Maggiore* a incuru de sa Setzioni Assoraider Quartu S. Aleni e CEAS Molentàrgius durada giai 1 ora cun trumas non prus mannas de 20 personas sàbudu e domìnicu

oras 15.00 oras 16.00

- *Escursioni in treninu elètricu conca a sa Plaja Fossili* a incuru de Explorendi Infopoint de su Parcu durada giai 1 ora e mesu cun trumas de 15 pesonas sàbudu oras 15.00 e domìnicu oras 10.00 e oras 12.00 e 15.00

- *Escursioni apei po assisti a s'inanellamentu de s'avifauna de passu conca s'Ecosistema filtro e Bellarosa Minore* a incuru de Anthus e CEAS Molentàrgius cun is ghias de s'ApM

Durada giai de 1 ora cun trumas non prus mannas de 20 persone

Domìnicu

oras 9.00

oras 10.00

oras 11.00

Totus is escursionis ant a essi fatas sceti chi is conditzionis mèteo dd' ant a permiti, po cussa in treninu dipendit fintzas da su caminamentu acapiau a su mantu stradali in totu sa bia Don Giordi.

Arricu e prenu su programa de is eventus chi ddoi funt, a incuru de s'assòtziu Forma e Poesia in su Jazz, in s'elencu chi sighit:

19 donniasanti - Plenilùnio e Mùsica

Passillada ecològica in territòriu de Quartu S.Aleni in s'ambienti de spantu de is 7 fradis Arcu sa Ruinedda a arribu a Bruncu su Soli anca fait sa posta Forestas, partner de sa giorronada, po castiai su scurigadroxu e sa luna obrexit da su mari. Cuncertu de Carla Giulia Striano trio.

20 de donniasanti - Stagno Molentàrgius . cuncertu candu obrexit a oras de is 7.00

Cuncertu candu obrexit in s'ambienti de spantu de su parcu de Molentàrgius, unu de is logus ùmidus prus bellus d'Europa, aundi nci funt colònias medas de avifauna, chi abarrant o lompint chentza strobis in custa oasi de paxi. A is chi pigant parti at a essi ofertu cafeu e durcis.

20 de donniasanti - Music & wine – oras de is 18.30

In s'ambienti de spantu de su chiostru de is capucinus e in occasioni de s'eventu de Monumentus Abertus chi at a essi abertu a su pùblicu.

Oferreus un'acopiada intre cultura de su binu, chi quartu est protagonista in sa produzioni de calidadi e de mùsica.

A sa mùsica de is Bad Blues at a essi acopiau unu càlix de binu bonu

21 de donniasanti – Nuraxi Diana – oras de is 12 mùsica e bìsita ghiada.

